



Pong! Pong! Ang Makapangyarihang
Amoy ng mga Halaman
김다솔




“Achoo!”

“Achoo-Choo!”

Ano ang tunog na iyon?

Sa palagay ko, ito ang tunog ng pagbahing ni Paeng at ng kaniyang aso na si Pido. Nakatira sila sa isang maliit na bahay sa gitna ng isang mahaba at paikot-ikot na riles ng tren.



Madalas ay nasa loob ng bahay lamang si Paeng. Dose-dosenang tren ang dumaraan sa paligid ng kaniyang bahay sa araw-araw.



Ang mga tren ay nagbubuga ng usok na nagpapadilim sa buong paligid kahit hindi pa lumulubog ang araw.

Minsan, lumabas ng bahay sina Paeng at Pido upang makalanghap ng sariwang hangin... “Achoo-Choo!”



Nagkasakit si Pido dahil sa nalanghap niyang alikabok at usok. Napaiyak si Paeng dahil sa nangyari kay Pido.

“Pido, ayoko na talaga rito,” reklamo ni Paeng. “Ayoko ng mga tren. Gusto kong pumunta sa isang lugar kung saan makakakita ako ng mga bituin sa langit. Gusto ko ring makaguhit ng mga larawan ng asul na ulap at pulang takip-silim.”



Isang sanga ang tumapik sa balikat ni Paeng.
“Kaya kitang tulungan,” sabi ng halaman.
“Gusto mo bang makita kung ano ang
magagawa ko?” Nanlaki ang mga mata ni
Paeng nang buksan ng halaman ang bintana.



Maiitim na kumpol ng usok ang pumasok sa nakabukas na bintana.

Agad na sinimulang higupin ng halaman ang lahat ng usok na pumapasok.

Usok ng tren!



Ano ang nangyari?

Nawala ang lahat ng itim na usok! “Marami pa akong gustong ipakita sa iyo,” pagmamalaki ng halaman. “Tingnan mo!”

Ang halaman ay naglabas ng presko at malinis na hangin. Pong, pong-pong, pong-pong!

Hindi nagtagal napuno ng malinis na hangin ang silid ni Paeng at nagsimulang gumaling si Pido.



“Paeng, maaari mo bang buksan ang drower sa ilalim ng kama?” tanong ng halaman.

Nakita ni Paeng ang isang kahon na puno ng mga binhi ng samot-saring bulaklak.

“Tingnan mo! Mga binhi ng bulaklak!” masayang sabi ni Paeng.

“Oo, tama! Itanim mo ang mga iyan sa paligid ng mga riles ng tren,” bilin ng halaman.



Tinataniman ni Paeng ng mga binhi ang paligid ng bahay tuwing gabi, tulad nang bilin ng halaman.




Nagtatanim siya ng mga binhi sa mga lugar na maaari niyang taniman.



Ingat na ingat si Paeng para hindi magising ang mga tren. Ayaw niyang malaman nila ang tungkol sa kaniyang plano.



Nagtanim si Paeng
ng mga binhi sa malalayong burol at bukirin
sa tulong ng hangin.



Patuloy sa pagdaan ang mga tren sa bahay ni Paeng. Ngunit sa pagkakataong ito, hindi na bumabahing sina Paeng at Pido.

Ang maririnig mo lamang ay 'Pong, pong-pong, pong-pong!'


Nilalanghap ng libo-libong bulaklak na nasa paligid ng riles ang usok ng tren at naglalabas ito ng malinis na hangin.



Pong! Pong! Pong!
Naglalaro sina Paeng at Pido sa kanilang
luntiang bukirin na may malinis na hangin.



Hindi na alintana ni Paeng ang mga tren at ang usok ng mga ito. Kumaway pa siya sa mga dumaraan. Kumakaway rin si Pido gamit ang kaniyang buntot.



Dumating na ang takip-silim. Nakatitig si Paeng sa napakagandang tanawin na dulot ng papalubog na araw.



Ngayon ay hindi na lamang itim na langit ang kaniyang nakikita.




Oras na nang pagtulog. Sina Paeng at Pido ay nakatingin pa rin sa kalangitan mula sa kanilang bintana. Namamangha sila sa kumikislap na mga bituin.



Bago matulog ay bumulong si Paeng, “
Maraming salamat, makapangyarihang amoy
ng mga halaman...”



BOOKS INTERNATIONAL



Basahin ang isang Libro Ngayon, Humantong sa isang Pangarap

Bukas! Ang Book International ay isang NGO na nagdadalubhasa sa mga libro ng larawan. Nagsusulat kami, naglalarawan, at namamahagi ng mga libro ng larawan sa mga bata upang mabasa sa kanilang sariling mga wika. Ang aming pangitain para sa samahang ito ay upang bigyan ang mga bata ng mga pangarap ng isang umaasa na hinaharap.

Ang aming mga kwento ay nagtuturo din sa mga bata sa mga isyu sa totoong buhay at mga kasalukuyang sitwasyon. Nilalayon ng Books International na makamit ang pagkakapantay-pantay para sa lahat ng mga bata na ma-access ang kalidad ng edukasyon.



USAID
FROM THE AMERICAN PEOPLE

RTI
INTERNATIONAL

ABC+: Advancing Basic Education in the Philippines



The Asia Foundation

This book was adapted as part of ABC+: Advancing Basic Education in the Philippines project.

ABC+ is a partnership of USAID and the Department of Education (DepEd), implemented by RTI International together with The Asia Foundation (TAF), SIL LEAD, and Florida State University (FSU).

This book was field tested by Mary Jane Ciocson and was reviewed by Mary Ann C. Macaranas.

This book was approved for publication by the Department of Education – Bureau of Learning Resources.

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story

Pong! Pong! Ang Makapangyarihang Amoy ng mga Halaman
(*Pong Pong! The Amazing Power of Flower Farts*). Author: 김다솔.

Published by Books International, © Books International.

Translations: © The Asia Foundation, 2022.

Contributing translators: King Mullet Joe, Dharyl Mae Degara, Ned Lyan Cuevas, and Grace De Castro